

嶽雪樓書畫錄

嶽雪樓書畫錄卷之四

南海孔廣鏞懷民閣編

男 昭熙 昭杰 校字

明沈石田保儒堂圖卷 紙本高一尺三分長三尺四寸水墨淺絳畫

畢秋珮書畫記

畢沅秘藏

汪伯文

汪季青

摘錄堂

畢沅寶藏

汪

季青鑒定

王氏家藏

汪季青珍藏印

畢瀧鑒賞

南唐

石田

吳中王氏保儒堂圖記

畢沅審定

汪季青審定墨宝

吳中之王自唐水部榮從福清縣居至于今蓋五百

餘歲矣不特久且蕃而其間世以儒業相承隱顯有
人照映乘牒吁盛矣哉今所謂保儒堂猶是宋之故
居而其名則為惟容氏之所製也名之義何居蓋當
宋東都時有諱蘋字信伯受學於小程子時稱高第
建炎南遷蘋受薦獲殿對高宗遂以通儒目之官終
著作佐郎惟容之旨則以此也嗚呼天下之事莫難
乎終而能終之者又有不可得繼於始繼啓始終之
際則有天存之是不可必者也雖然亦有人事之宜
脩者矣著作佐得中原道學的派其為念豈不欲後人

之克承克保乎哉然固不可必也而今按譜而求之則其能承之保之者非可一二數也以及至於惟容且又能章表而將護之則著位之念果遂而保儒之名果不誣矣是豈非天之意也耶然天之意可以念而得之則天亦私矣嗚呼非私也天之意在福善著位之意在保儒保儒為善意也天自循其意而著位之念符之則著位之得完其念也固宜使著位念在子孫之富饒之賢勢則天未必從之矣此理之明灼而自然者也所謂人事之宜脩者也而何疑焉惟容其

察之也哉夫唯容自修甚至觀名堂則其心可知矣
天之意亦可占矣然則蘇堂也蘇名也繇今日以至
於千百年亦猶著位之於今日方引之而弗替有可
必矣唯容其察之也哉唯容嘗欲余叙說其旨不克
復屬者大方伯孫吳君天祿感唯容治疾之惠因圖
報之而齋其意以來請余為畱與記余於是為畱且
記之以諗諸唯容焉 弘治四年三月下浣日長洲

沈周造

南

田

石 另徑萬全長三尺六寸八分
烏絲闌分三十九行行楷書

柯庭家
傳神品

履研

李青
鑒定

稿燕堂
書畫印

平陽書
子收藏

畢瀾審定

古香樓

汪印榮熊

平陽李之章

汪李奇珍藏書之印

保儒堂傳自宋達夫中其來舊矣石田先生記蓋
 已詳之矣中舊姓推王氏光菴先生樹奇孫嗣後
 代生名流韻士惟容以軒岐術行世術甚神行高
 為諸先達所推轂尤稱族之望云以唐水部米代
 業儒就宋著作郎之故居額之曰保儒其用意淵
 遠品格可知矣石田翁用老筆作扁古色照映記
 所載源委曲盡非重其人安能殫括如此非特為
 王氏之家乘亦人間之珍品也萬歷癸酉臘月
 八日題于停雲館中後學文嘉

筆以揚名

畢秋風書西記

桃花潭

歷覽古今天不斲人以富貴而獨斲人以道德之
 名恒言曰積書以遺子孫子孫未必能讀積金以
 遺子孫子孫未必能守况道德之成天實成之其
 可俾致乎余今觀吳中王氏保儒堂圖卷之命名

而有感焉夫王氏開族自唐水部居吳福清歷世
顯宦不乏其人至宋著位郎乃以通儒著譽儒亦
僅矣若位之後繼起未聞近明孝宗時裔孫唯容
者欲以保儒名其堂偉哉其用意深矣其願望遠
矣周頌每言子孫保之保天位也君無敢德即可
保天位之定而士無大德不可保儒者之名設非
兢々乎克念作聖者六斷不敢位此願望由此言
之為儒者之子孫尚欲無忝厥祖况為聖人之子
孫其可無念尔祖乎明德之發必有達人涇曲阜
二千年來賢哲迭興淵源固不墜矣即論南來之
族余近輯家譜見始自唐元和十二年我 戲祖
節度嶺表繼而常侍昌弼公南遷以遂名宦鄉賢
迭有可舉尤願宏茲道德由鄉賢而進列兩廡軒
然漢振庶幾無墜 先聖之遺訓豈特保儒云尔
哉後之讀石田是記亦將慨然振興如劉越石聞
雖中夜起舞也 同治建元壬戌之秋七月既望
孔廣陶識于守文宗禮堂

明沈石田菊花鷄翎軸

紙本高四尺六寸九分潤一尺八寸九分淡墨淺色畫

沈石田菊花

南有堂珍藏

張徑

私印

審定

湖峯曉雨濕蒼青興慶池頭見鷄翎五十萬錢原有

價笑人輕易換黃庭

沈周

石田

行楷書四行在上方之石

大書畢

氏靜逸

蘭陵文子收藏

宋人花鳥妙在設色粉繪儼若生肖石田翁乃能以淺色淡墨任意為之而神采更自并信非凡

筆可及

其昌觀因題

宗伯

董氏

明沈石田仿元人山水冊

紙本計十頁俱高一尺九分潤一尺三寸五分水墨畫

第一幅

庚拜

虛亭不碍秋落葉直入座可人招不來出事如何住

沈周

沈氏啓南

行楷書分四行在上方左角

海山館珍藏書印

第二幅

張經之印

釣竿七尺玉斜陽千疊山不知塵世上能得幾人閒

沈周

石田

沈氏啓南行楷書分五行在上方左角

德禽審定

第三幅

澹懷軒書畫印

德禽心賞

溪靜風不過樹深啼鳥知山人未來處雲氣入蒼苔

沈周

石田

行楷書分五行在上方右角

第四幅

石大有芳姿此君棘俗氣其中佳趣多容我自来去

沈周

白石

行楷書分四行
在上方右角

庚拜

仕成

第五幅

野樹脫紅葉迴塘交碧流棘人伴歸路獨自放扁舟

沈周

南石

田石

行楷書分五行
在上方右角

滿海山仙館

第六幅

獨行殊癖、秋靜過橋時忽被風吹裏山坐亦不知

沈周

南石

田石

行楷書分五行
在上方右角

趙

璋

第七幅

海山仙館
書畫印

風候夜逾迅高林惟鳥喧空亭歸杖屨烟靄隔西原

沈周

石
南

石
田

行楷書分四行
在上方左角

第八幅

綠樹迷昏霧青山生白雲自天為此景平與畫家分

沈周

沈氏
形南

行楷書分五行
在上方左角

第九幅

山木半落葉西風方滿林
人到此地野意自蕭森

沈周

沈氏
形南

白石
翁

行楷書分五行
在上方右角

第十幅

湖北歸來日落扁舟滿載西風目送一行白鷺秋懷

欲與天空

沈周

石

沈周

行楷書分五行
在上方右角

沈周印

沈周印

勝國之有倪元鎮吳仲圭自成一家蓋其神情灑

落超出于瑛瑤之外而濃軟麗手無可措置我朝

遂得沈啓南獨步其芳躅假與二公同時吾未知

誰左也

延陵吳寬

清華吳

白文

葉子

平生

葉印

遂

張印

松

庚子拜

明沈石田白雲泉圖長卷

絹本高一尺一寸八分長二尺九寸八寸脗凡兩接設色

畫每于奇勝處必註地名用小楷書前隔水後有朱文南海葉氏雲谷家藏長印

葉氏

石

石

卷之三

白雲泉圖

四十字

成化辛丑秋九月畫於碧梧軒中沈

周

石根

行楷書十五字分

石根

德金

借觀

畫雖小道然必人品高曠手眼閒靜則其畫自有
一種逸致又須三杯微醉凡淨窓明筆硯精良甌
香茶熟之際為妙苟或奔走俗事紛擾品既
不高雖有佳境亦無佳筆墨此堆石田翁魚擅眾
長而入濟以學刀故其畫易臻妙境非他人所可
及也 琅邪王士禎 王士禎 沈石田先生白雲泉圖真蹟

沈石田先生白雲泉圖真蹟

啓南先生以吳人寓吳中山水自山塘至橫塘斷
連起伏繚繞數十里一氣呵成明窓展玩不必行
山陰道中已覺應接不暇按天平山在吳縣西蘇
舜欽詩云吳會括眾山哉不可數其間彌天平
吳元為之主固其巍然特聳萬笏朝天為一部之
鎮山半有白雲泉又為竒勝之委故先生即以

名圖吳石雲中丞辛丑銷夏記又載所畫吳中山
水一卷自山塘至太湖與此卷相彷彿有無名
氏長歌迨如子敬洛神賦人間合有數本歟先生
之祖孟淵翁亦精繪事愛弄藏有王州明聽雨樓
圖一時名人題詠已擅勝于東南家學淵源子孫
世守宜其畫法精妙工下手秋能模百輩為明四
家之冠 咸豐己未暮春之初南海孔廣陶記

明沈石田仿梅道人山水長卷

經本高八寸三分長二
丈六尺一寸七分紙凡

八接歷條雲均用朱文長字江上小長方嘉客小
方共十八印前隔水後有朱文庚子拜經之室長
方印水

墨画

審圖清秘

白雪齋

培

周蘇溪
真印

沈松
生藏

潤州
重光
鑒定印

齊族

春園清秘

徐桂
之印

徐茂
吳氏

韓達
善書
画印

此卷溪得宋元人墨趣是此老平生得意之作

周洪印

辛丑仲春一日存道聯此紙求仿吳仲圭作長卷山水僅染二三尺為客至中沮別去逾十日予過陽山惠氏存道亦有泰伯鄒氏之行方舟山塘復出此置案上且行且為著筆遂竟大許明日同抵大石雲泉庵得縱觀泉石之勝大有所得始克足成之存道躍躍動喜色致譽不輟口然不知仲圭之妙從董巨墨廬中來非草草可倣邯鄲之少學者非直為難將併故而失之矣

沈周志

南石

田石

行楷書
十七行

懷古田舍

庚拜所藏

周澍印

松生過眼

梅壑

山茅

鄙陋獲觀先生真蹟不下什佰乃疎遠索贖如徽
僧入聖天真爛熳全弗任意而為極意研求者所
不能到未若是者也管人論書云得折釵腳屋漏
痕方臻化境今觀此卷用筆當與顏魯公楊少師
行押書並傳億禩

懶

遠張孝思識

張則之

懶老

畫不求工筆不奇天真爛熳是吾師此二語畫家
丹髓也自元人以趣勝而其意始傳白石翁得筆
於梅萼道人遠接董巨一燈獨朗心手豁然故下
筆如坡公行文隨意起止絕去廉纖牽合之跡而
妙哉天然若此卷極蕭疎蒼率之致即先生真蹟
中亦不多得也趙承旨謂得古刻數行學之價可
名家若得此卷日益習之何患不至古人耶珍重
珍重 後學查士標跋

士標私印

查父三瞻

余歸時曾從留守瞿公稼軒家觀石田翁墨妙瞿公有石田画癖自名其齋曰耕石以所得畫藏焉其稱寂者計百餘幀余惟取氣容川色雨夜止宿溪山無盡廬山高三四畝真能盡洗畦徑踪古人餘則皆其本色本色畫在之有之不足稱石田翁之傳非使其本色也而能脫去本色者百幀之中不過三四見六難致矣此卷為江上先生所藏堪與氣容諸畝伯仲此蓋脫去本色而難致者氣容諸畝外僅見此卷可不寶諸 壬子九月虞山後學王翬書于毘陵楊氏之近園秋水軒

審定 珍藏

張任 私印

葉印 志說

平安 館記

咸豐己未六月孔懷民與盧若雲張其舟少唐弟同觀于庚子拜徑室五越月而歸弄嶽雪楊命弟廣陶記

明沈石田朱草秋溪軸 紅本高四尺七寸七分闊二尺二寸八分太湖石後有朱草二

下立花

蕭鐫一

沈石田朱艸秋深圖 棋巢珍藏

潤飛
珍藏

張經
私印

審定
珍藏

朱艸秋深湯著霜蘆花毛色見青蒼間庭畜此真堪

愛不許人間詠五年

沈周

石南

石田

行楷書分五行
在上方之右

北蘭陵

明文待詔飛鴻雪跡圖卷

紐本高七寸八分長
四尺六寸五分墨画

飛鴻雪蹟

四字隸書
題引首

徵明

悟言
寶印

衡山

白文
四字篆

櫻甯館
鑑藏印

新宇
品書

文印
徵明

停
云館

雜邨
珍藏

白文
四字篆

翹首雲天見斷鴻短袞能禦壯來風馬蹄此去詩
懷好一路家山在眼中南濠老人都穆

秋雪樓書畫錄卷四

記

木三金

進御自金陵來吳 頤訪玉蘭堂題贈短句 微

明 文印 寶印

蹤跡憐君似雪鴻南來歲歲逐秋風甯知白駭重

逢霞又是黃花細雨中十載聲名漸海內一時冠

蓋夢江東玉蘭堂上瞻行色欲詠江雲苦不工

奉和 文傳雲贈 進御楊先生詩韵 吳郡唐

寅 私印

書絨屨辱寄鱗鴻好在安流與便風深蘆舊醅談

笑裏佳梁明月夢魂中當時惜別離聲上今日重

逢馬首東欲贈暮雲春樹色盡將心緒比良工

客思悠々逐斷鴻輕帆數幅晚生風青雲意氣交

游內白下山川指顧中爭羨遨遊時清氣游似

司馬况聞高譽壓陳東江梅多少衙寒放一路憑

君看化工 海觀陸南次 文傳雲韵 明世 不辨

養正 鑑賞

師橋 鑑定

吳印 文桂

十載江湖類燕鴻
知君倬有子長風
賢開壯志徑行外
客路高懷傲睨中
長劍倚雲吳水側
片帆飛兩石城東
得名不得何心計
爰把流年付化工
九峯山人郭壁次

鵲首芳洲送太鴻
蘭舟儼客眇乘風
十臺楚醴開蘋末
一櫂吳歌聽月中
落木夢隨秋水遠
隔江愁逐暮雲東
詩家與可真無敵
折贈芙蓉句獨工
蘇川宗訓奉次文二丈韵

蘇訓

冥：踪跡託飛鴻
歲久未賓逐好風
閨闔一聲傳白下
稻梁千畝寄吳中
馬遷壯志周衰內
杜甫收詩過讓東
聞說明年雲路遠
琅玕呈獻代天工
長洲王渙

王渙

王渙

王渙

唳唳一聲天外鴻
吹噓子裡故人風
難禁家是夢迴震
忽遇正當愁絕中
吳苑菊隨秋共老
秣陵人與遺俱東
當筵莫話明朝別
詩為逢君語正工
霜餘不見江城柳
何以送君惟斗酒
吳門西去即陽開
莫將醒眼看分手
馬蹄未踏陽關塵
啼心已逐中山雲
春風夜入香奩夢
楊柳青：正憶君

松出楊先生乃余之故人也以莊業在齊女門之
北歲每一至必有餞別諸位傳于吳下嗟必有
留行諸位使於秣陵其于交詩踐盟汲猶嫌渴
耕獲乎道義而舊禽於文學固其性之常乎治生
蓋其餘事也此歸衡山先生首以詩畫贈之
諸君子泛而和之于詩窮濂兼記數語亦聊以副
所委耳 正德丁丑蟠月下浣長洲漕湖錢 貴

書

公

君南布哲以書畫甲當代而徵仲則有兼長此恭
送金陵楊君者文氏三仇具矣卷中元敬伯昭皆
知名氏旁註字旁註而伯虎眾美庶幾雁門舒子
亦漢楚之可見當時之盛矣余以孟明借觀因題
末簡汪道貫

汪印

汪仲

舊雨飛來印雪鴻玉蘭堂畔絮因風高懷別寄雲
天表跡都歸歲月中短舫圓沙送去住落花流
水任西來我越京國曾留爪讀畫深知寓意工
次停雲韻題 南海孔廣陶

明文待詔書畫赤壁圖賦卷

經本高九寸七分長四尺七寸七分設色畫

何云

堅白

宣田

墨林山人

子京父印

項子

傳云

文印

山衡

赤壁賦

壬戌之秋七月既望蘇子

子字旁添

與客泛舟遊於赤壁

之下清風徐來水波不興舉酒屬客誦明月之詩歌

窈窕之

之字旁添

章少章

章當作為

月出於東山之上徘徊於

斗牛之間白露橫江水流接天縱一葦之所如凌萬

頃之茫然浩々乎如憑虛御風而不知其所止飄々

乎如遺世獨立羽化而登僊於是飲酒樂甚扣舷而歌之歌曰桂棹兮蘭槳擊空明兮滄流光渺兮兮余懷望美人兮天一方客有吹洞簫者倚歌而和之其聲嗚々然如怨如慕如泣如愁餘音嫋々不絕如縷舞幽壑之潛蛟泣孤舟之嫠婦蘇子愀然正襟危坐而問客曰何為其然也客曰月明星稀烏鵲南飛此非曹孟德之詩乎西望夏口東望武昌武昌山川相繆鬱乎蒼々此非孟德之困於周郎者乎方其破荊州下江陵順流而東也舳艫千里旌旗蔽空酹酒臨江

橫渠賦詩固一世之雄也而今安在哉况吾與子漁
樵於江渚之上侶魚蝦而友麋鹿駕一葉之扁舟舉
匏樽以相屬寄蜉蝣於天地渺滄海之一粟哀吾生
之須臾羨長江之無窮挾飛仙以遨遊抱明月而長
俛知不可乎驟得托遺響於悲風蘇子曰客亦知夫
水與月乎逝者如斯而未嘗往也盈虛者如彼而卒
莫消長也蓋將自其變者而觀之則天地曾不能以
一瞬自其不變者而觀之則物與我皆稊盡也而又
何羨乎且夫天地之間物各有主苟非吾之所有雖

一毫而莫取惟江上之清風與山間之明月耳得之
而為聲目遇之而成色取之無禁用之不竭是造物
者之無盡藏也而吾與子之所共適客喜而嘏洗盞
更酌殽核既盡杯盤狼籍相與枕藉乎舟中不知東
方之既白 嘉靖丙辰中秋倭平書于傳雲館中

徵明

徵明印

衡山

另經三接高全長一大三又八寸二分
為係測分七十七行行書字徑一寸

張經之印

庚拜所藏

墨浪

文衡山赤壁圖

龍山鍾
酒勝齋
之章

六逸
居士

六逸大
字楷書
在卷首

庚子
拜經
之章

嘉靖丙辰為世宗三十五年時待詔八十有七歲
是年倭寇自杭州西掠宣犯南京出秣陵趁無錫

游野轉戰數千里八十餘日始為官軍所殲趙文
 華忌曹邦輔功大集浙直兵與胡宗憲搆倭於松
 江執擒倭志銳來衝文華大潰急謀招撫計謂寇
 息請還比遂翰寇警日至復遣文華視師適宗憲
 俘陳東平徐海等文華即以大捷聞時倭患少熄
 故待詔題中秋倭平書耳壬戌冬又由浙江犯淮
 揚吳越間倭焰益熾未始非文華要功嫉才有以
 啓之也嗟乎赤壁之捷氣奪曹瞞倭寇之平禍移
 鄰境古未賞功罰罪為政大細成敗之機皆繫於
 此談史者可為長太息矣 咸豐庚申四月初十
 日孔廣陶展觀因記

明文待詔葵陽圖卷

絹本 高八寸五分 長三
 尺一寸 粗筆設色 畫

葵陽

篆書二字

徵明

文印

山衡

徵明製葵陽圖

文印

款六字 行書 分兩
 行在卷尾下方

小字 館書

子詔 審定

中翰李君自號葵陽余為仁葵陽舛堂畝渡系此詩

種花必種葵：葉能傾陽

陽字旁添

有生勿遺忠遺忠負

經常高人辟芳圃種葵繞茆堂饑以葵為羹醉與葵

相忘種葵今幾時葵淡已成行果：三伏日燂：流

輝光所心向朱明勿待秋風涼秋風彫百卉不殺惡

草長草長損我葵心

心字旁點

身字旁添

遠熱中腸結髮奉

明主耿：心未降有如東逝水百折終不妨衡杓

任流轉萬耀鬱相望相望在何許紫雲天一方燦：

圃中葵一：雲錦章願持雲章去：補舜衣裳長

洲文徵明

徵明印

山街

子詒
遇眼

吾聞富貴門牆盡桃李東風三月花如倚山林萬
然挺松柏雪劍霜戈自相倚君為相家子富貴繁
華更無比平生不改寒士心苦節法標殊可擬何
不收苑李於門牆或則撫松柏之故里卻種葵等
滿居室人道君家有奇癖三春豔冶時既無桃李
色九秋凋落餘又無松柏節瑞花琪樹總不多異
哉獨與葵相識君識葵花我識君君心愛此葵心
赤雖非志李松栢姿赤心朝日向天日天日恩私
不可忘阿翁調鼎侍君王君王赤心置人腹人
豈無心苦艸木君恩移孝以為忠葵心在君亦在
翁歲寒共守松柏操陽春一布袍李容君之葵與
世異葵之心與君同君有今德應不朽葵有今名
亦無窮君不見古人之所欲至今流傳口相續周
子蓮衛公竹和靖梅淵明菊紅藥翻前階幽蘭霞
深谷迺知此物真此人從今千載留芳躅
歲孟夏六日孟河子馬一龍書于玉河精舍

未

元微齋

達人洞至理元覽迨艸木詎云快目睫中惘聊可
累卓哉晉徵士腐風統公餽潔身蓬蒿侶東籬
鼓前君家隴西延晉陽晉天族錦江奔車門
耀華轂嚴君况國寶黑髮柄鈞軸霖雨方九土膏
澤決荒服平生忠孝傳庭教聆已熟妙年侍青瑣
載筆供翰牘乃心在 天家晨夜將祇肅願言揚
臣節名孝從弗辱有懷安所與芳葵烟如簇長條
冒朱萼錯采散文藪藹：傾曦陽披丹儼肝腹愛
此閑蟬機正氣流化育桃李為容者風但相逐

吳山人鄭若庸

（號）

仲白

即事同悅

衡山三絕詩書画不獨粗文別擅場子古通家兩
中翰葵心一樣向朝陽民為故李中翰位公為侯
待詔此孟家法高古詩境清妙不佳画筆通神而
已懷民中翰出示漫題以志嚮往 咸豐戊午冬
日和仁和蔡振武識

蔡振武

（印）

讀君詩跋傳雲畫轉憶同歡翰墨場料得此行先
向日救時心肯卧南陽 廖州觀察春間入
親並歸省墓今展讀其為余題葵陽圖詩不覺起
我懷人心矣即步原韵書卷後 咸豐庚申四月
十一夜雨孔廣鏞記

文待詔畫傳世頗夥家藏精選者約得十餘種粗
細各半如臨輞川圖飛鴻雪蹟諸卷可稱神品此
雖尺幅筆極簡勁恍聞誦聲琅：與松風聽：相
答古詩直追工部元足見真性情每讀一過忠敬
之心悠然生也 咸豐庚申端陽節 南海孔廣
陶

明文待詔遊天池詩蹟卷

徑背紙本高一尺長一丈六
尺紙凡九接分五十四行行

楷書字徑二寸餘歷縫用
玉蘭堂文徵仲諸印七方

文徵明印

玉蘭堂印

碧雲十里山重々舉首忽見蓮花峯晴嵐霏空展蒼
壁午陰匝地揜長松游人着腳萬松頂蜿蜒細路凌
飛筇不知去地幾千丈乃有寒瀨流琤琮微波吹魚
動石腳倒影落鏡浮雲容臨流弄弄字旁添玉掄明空水
中照北青芙蓉穹崖壁鐵迸雪乳定出天造非人庸
下方春來万井渴安得此澤澤字旁添常溶々我疑高原
隱天漢或是陰壑蟠虬龍又疑造物喜變幻顛倒景
象潛其蹤不然水濕本就下一弘上出夫何從嘗聞
此山可度難靈區信是千年鍾枕中祕記誰復恚異

人有在何當逢 正德己巳遊天池作此詩及今嘉

靖戊戌三十年因得佳紙重錄一過四月初旦徵明

在玉磬山房識

徵明印

仲徵

玉蘭堂印

此卷縱橫飄逸沉着痛快畧無一筆滯機直入山谷之室激仲書中得未曾有上為 廣堂夫子所賜時遠遊鼎湖登雲頂瞰龍潭過羅漢市度聖僧攜觀唐智常禪師石刻興到磨砢大書噴雪二字於龍湫巖與友人枕流賦詩極遊勝窮幽之樂憶卷中晴嵐霏空展蒼壁午陰匝地搖長松寫崖摩鐵迸雪乳空出天造非人庸兩聯儼為我斯遊詠也因書卷後以誌一時山水翰墨之緣 癸亥立夏後十日 廣陶記

明文待詔臨摩詰輞川圖卷

絹本畧有殘損高九寸三分長一丈四尺一寸九分

猗雪樓書畫錄

卷四

六

青綠山水

神品

蕉林收藏

項墨林父秘笈之印

長洲文徵明製

徵明

款六字小楷書在卷尾

棠邨

停云

輞川詩二十首 全錄

蕉林秘玩

嘉靖甲午夏五月既望畫并書

徵明

明徵

山衡

紙另

烏絲闌行書 分六十三行

蕉林

觀其大畧

退密

子京父印

項墨林父秘笈之印

詩中傳畫意畫裏見詩餘山色無遠有雲光卷復舒前溪漁父隱舊宅梵王窟千古風流在披蕭簾

起余 壬寅中秋古吳彭年題

年印

彭年印

曩見王摩詰輞川畫真蹟畫筆單弱不及此本穠
厚蓋文衡山所見真本故臨摹得其神味余前所
見為贋本宜其殊氣色矣唐畫何可得亦如蘭亭
原刻不及諸趙臨本之有神米也 嘉慶壬申歲
嘉平月孫星衍題

孫印 治城 小館

王右丞輞川畫有高矮二本均為宣和御府珍秘
勝國時其矮本新安古中靜携至吳門徐默菴再
價云百有奇不可得嘉靖九年待詔為默庵轉懇
於其甥復孺以說中靜遂以千金為壽是畫始歸
徐氏記室至高本嘉靖甲寅待詔乃得見中間相
去二十有五載而待詔之年已過大耋矣山菴署
甲午年製是為嘉靖十三載正待詔作合巹緣之
後從矮本對臨得意筆也蒼莽秀逸元氣淋漓輞
川原蹟未易得觀得此臨本已足珍重不啻於定
武蘭亭中悟出山陰門徑倘右丞有知上當擊節

三款 咸豐九年歲在己未暮春之初 南海孔廣陶識

明文待詔錢幹寒香圖卷 三本高七寸五分長三寸一寸一分墨畫

傳云

簡斤

錢幹寒香圖 五字小詩書一徵明 徵明 衡山 嘉文 雁門文氏家藏

小印

辨不

南海李氏古觀閣藏

傳云

平生寶

簡斤

永存珍記

梅花百詠

古梅

君須孤山數百年此等又在此翁前只今起州新栽

樹後世相看亦復然

早梅

從來花發占鮮芳又向叢中獨擅場畢竟先開定先
發爭如雪裏又添香

庭梅

闌干六曲渡春風白雪生香滿院中夜靜月明公鳳
下半窓疎影隔簾櫳

官梅

武昌湖上千株柳何遜楊州幾樹花爭似故山幽草

木春風歲々發萌芽

江梅

若有人兮湘水濱
冷香和月滿黃昏
自憐不入離騷譜
待把芳心吊楚魂

溪梅

古剎橫斜澗水邊
野橋村墅獨喧妍
玉堂路杳無心到
堪與漁翁繫釣船

嶺梅

誰種霜根大庾巔
地高天近得春先
枝南枝北原同

幹何事冬風亦有偏

野梅

花落筭開春不管清風明月自綢繆天然一種孤高
性直是筭中隱逸儔

憶梅

迢々春信隔江南
芳盟負歲寒
春鳥不來仙夢
杳月明空自倚闌干

寢梅

何處仙遊睡覺遲
羅浮山下訂淩期
一聲吹徹霜天

角正是參橫斗轉時

尋梅

行過野徑復溪橋
踏雪相求不憚勞
何處藏春人不見
唯聞風裏暗香飄

問梅

一別羅浮幾度春
歲寒心事許誰論
風清月白三更後
更有何人夜扣門

揆梅

聞道春還已有期

編期字
添詩下

遠來等下立多時
南枝覓

遍無消息僭問花神知未知

索梅

城南地暖筭開早見說君家滿樹春
昨夜雪寒詩思好一枝還贈苦吟人

觀梅

踏雪尋君一頃鷄山當清夜喜盤桓
筭神正是心如鐵肯厭吾儕冷眼看

賞梅

對花呵凍寫新吟
罷還將酒自斟不比西園艷桃李

李等間開落費千金

友梅

三益堂前世外人
歲寒誰是舊雷陳
知心千古惟松竹
冷澹相交始見真

寄梅

遠憑春信問知音
離恨何如隴水深
不是江南無所
有要君識此歲寒心

評梅

屈子騷經遺不錄
石湖芳譜漫為收
試憑西掖攀花

手提向百竿之上頭

歌梅

白雪聲中玉樹春
彩鷲如射倚雲聽
曲中縹緲不知處
留得餘香冷畫屏

別梅

東風吹夢過湖山
玉減香消怨夜闌
畢竟明年又相見
早將春信報平安

惜梅

愛此出姿清絕塵
更憐歲晚獨相親
相看不忍輕攀

折留取明年占上春

折梅

縈手分開嶺上雲
問年覓取一枝春
隴頭驛使今無
價留向山中對此君

剪梅

手挽數枝那忍觸
莫教香雪浣蒼苔
剪刀輕斷梢頭
玉笑引春風上鬢來

浴梅

寒鏤榭房氣未勻
一沾恩澤頓精神
水肌濕透渾無

力絕勝華清得寵人

浸梅

旋汲清泉養折枝
冰花養淨玉應如
從今偕得恩波潤
會見青々結子時

簪梅

對雪看萼可自由
興來甯復為知羞
臨風一笑烏紗側
卻把黃花比插頭

黃梅

杏子初肥色黯然
綠陰深處滿枝懸
日長幾陳廉纖

雨正是江南四月天

鹽梅

滋味由來貴適均五行無備始為真如何當日神農
譜畧不曾言甘苦辛

蟠梅

屈幹廻枝製佞新絕施工巧媚陽春逋儂縱有枝頭
鐵奈爾撥竒揉矯人

接梅

貼小萼繁可奈何芳心空自挹陽餽與君試換東風

骨看取明年結子多

補梅

蘭蕙紛紛入楚辭
孤芳獨有老梅知
君今撫拾增新賦
不負能詩杜拾遺

苔梅

姑射仙人翳翠鸞
濛濛細雨濕飛翰
夜深舞罷霓裳冷
一片空清點玉班

杏梅

頽頽相映小桃紅
賴有清香辨異同
夜靜鼓琴花樹

下直疑身在孔牆中

臘梅

洗卻鉛華做道妝
檀心淺露紫香囊
近來擬學宮中樣
變作睂間一點黃

竹梅

乘鸞姑射下羅浮
鼓瑟湘妃出上流
瑟管紫簫成一曲
冷香幽興不勝愁

雪梅

北帝司權發令新
天葩凡卉鬪精神
化工不讓花神

巧特與增添一樹春

月梅

暗香浮動月朦朧
古樹橫斜淺水中
清影滿身吟未
就又移疎影過牆東

風梅

綽約肌膚不受吹
飄香墮玉怕春知
憑誰領取東風
意傳語封家十八姨

烟梅

瓊林浮翠澹朦朧
遙望珠山隱見中
一夜東風吹不

散曉看渾似碧紗籠

子葉梅

必辦重玉位團就中消息孰能接待看水月澄明
際彷彿觀音變現觀

鴛鴦梅

並蒂連枝朵雙偏宜照影傷寒塘如何開向

漏向
字添

詩後淡宮裏片影分飛寧可傷

綠萼梅

蕊珠宮裏小仙娃暫別枌房柳翠華底事塵緣猶未

斷謔來人立位名等

胭脂梅

搗碎淡宮玉蕊紅花房芳信一時通吳宮佳釵三千
女艷抹穠妝總一同

西湖梅

蘇老堤邊玉一林六橋風月是知音任他桃李爭歡
賞不為繁華易素心

東閣梅

宮庭把酒送行人對雪看花正遇春杜老飄零頭白

盡底須韓公苦催人

清江梅

湛湛波澄淨月輝娟娟寒月滿琉璃分明一幅鷺溪
綃寫出當年楊補之

孤山梅

林逋老去向空傳寂莫荒墳起暮烟唯有墳前數株
玉自將閑落度流年

辭舍梅

憶昔山前花滿邨月明曾扣酒家門青禽一去無消

息冷落三生石上魂

漢宮梅

飾玉含香立未央
不將顏色事君王
後來玉樹緣何事
能使陳家怨國亡

江上梅

卻步凌風迹已陳
水曹詩句尚清新
如今不獨揚州種
江北江南總是春

書窓梅

雪冷香清夜誦詩
十年辛苦只花知
天公有意分蟾

桂先偕東風第一枝

琴屋梅

三弄等閒小院淡玉人遙聽動春心
泛聲彈落水梢

月喚起林逋為賞春

音韻
誤筆

棋墅梅

萬玉成林覆石枰兩翁相對有餘情
東風忽遣花飛雪
絕似將軍入蔡城

釣磯梅

渭川東畔春光早
傍水幽花帶雪開
一任風荷頭白

盡不隨漁父出山來

樵徑梅

窈窕若耶溪上路幽
巉灼々傍榛叢飄零不為樓頭
遂恨殺南朝暮北人

僧舍梅

瀟灑叢林玉一枝宿根曾是悟禪機
分明勘破羅浮
寢特把緇衣換紫衣

道院梅

玉骨清癯半已僂羽袍綃被鬪蹁躑
月明竿下人朝

斗依約璫妃下九天

柳營梅

亞夫才畧動雄風
多種冰花玉壘中
不是將軍好閑事
為渠止渴有成功

茅舍梅

昨夜春風入草堂
離根老樹發清香
相思不必將書寄
只恐題詩欲斷腸

蔬圃梅

花發春畦菜甲新
抽青配白喜知音
芳魂也羨冰心

味來與先生話素心

藥圃梅

不入春風桃李場
董仙林下自清香
豈因杏子能酸
苦安得神農為品嘗

前邨梅

野老庄前天氣煖
一枝嘗自占先春
夜來雪裡東風
急微有清香暗襲人

照水梅

玉樹臨流雪作堆
寒光疎影尚徘徊
多情最是黃昏

月配合春風不用媒

山中梅

巖谷深居養素貞
歲寒松竹澹相隣
孤根歷盡冰霜

霜字漏
添詩下

苦不識人間富貴春

城頭梅

止渴將軍築受降
騰裁玉樹遍城隍
天家雨露無私

潤願布陽春被八荒

水竹梅

寒流浸玉映疎林
翠袖霞裳冷不禁
不向此中清淺

處誰能照見二君心

水月梅

浮玉溪邊夜半期
暗香疎影靜相宜
一時氣味無人識
只有咸平處士知

簷

檐字
誤寫上梅

有客孤山跨鶴疎
半肩行李插疎枝
街頭兒女不解事
畱道賞花人未回

杖頭梅

短筇挑酒過西湖新

折字
誤筆

得水綃伴玉壺日暮醉疎

山路險風流直欲倩人扶

隔簾梅

玉堂只尺有神僊翠竹蒼龍春信不傳日暮相思雲樹
杳一簾清影月娟娟

照鏡梅

妝閣開奩對曉寒菱花影裏雪團圓素靨舞罷卻飛
去留得芳容對面看

未開梅

重重折萼護輕寒不放春心一點閒可是花房芳信

早故應緘密待香還

全開梅

土脉陽回氣候新
榭房微露一分春
想應初識君王面
猶自含羞效淺顰

半開梅

暖入寒枝氣未勻
笑含芳意待餘春
相看絕似瑤臺月
夜掩重門認不真

全開梅

玉臉盈，總是春喜將
笑色媚東君
道人放鶴跡來

卷之十一
晚月下看花白似雲

妝梅

當年點額偶成真別是宮中一段春
贏得世間傳故事紛紛總是効顰人

孤梅

標格清高迥不羣自開自落絕無隣
天寒歲晚冰霜裏青眼相看有幾人

移梅

斬斷孤根手自栽荷鋤和雨破蒼苔
寒窓歲晚供清

事只欠幽芳對雪開

疎梅

數箇冰花三兩枝東風點綴特新奇
黃昏照影臨清淺寫出林逋一句詩

老梅

古樹槎牙鎖綠苔半奇半怪尚花開
不須更問香淡淺人道咸平多自栽

新梅

幾年雨露栽培得此度春風始著花
為語東君加愛

猶憶相言三金
護要看清影放橫斜

矮梅

不放冰梢數丈長怕分春色過東牆大材未必難為
用殿閣雲深需棟梁

遠梅

羅浮山下起香風千里相思信不通安得移栽近書
屋繁華不亂向晴空

落梅

誰家吹笛苦悲涼
斷卻佳人鐵石腸回首淚痕看不

得離情分付返魂香

瘦梅

冰削輕肥雪削膚天然風致在清癯應知桃李難相
並祇為生來骨格麤

宮梅

素質蕭然林下風何年移植禁園中自從識得君王
面面背仙凡迥不同

傍堦梅

儂家老樹臨書屋清夜看花睡未眠殘雪半消猶月

上暗香和影度疎簾

寒梅

山中萬木凍遭傷
林下幽芳獨自香
恹恹孤根禁受
得就中原有鐵心腸

咀梅

旋摘冰英帶雪飡
清芬滿口不知寒
屈平若解知風味
未必專心嗜菊蘭

盤梅

新陶為缶製瓊壺
分得春風玉一枝
取愛寒窓讀書

霰夜深燈影雪模糊

紅梅

簪風昨夜入南枝
淡髓淪肌穉凍威
和氣曉來來字漏添

詩下 驟着霰滿空散作彩雲飛

粉梅

玉妃手展白珠砂
散作春風六出花
夜半月明霜露重
滿襟清淚濕鉛華

青梅

紛紛衆口利餘甘
之子胡為獨嗜酸
滋味自緣辛苦

得旁人何必把眉攢

玉笛梅

五月江城草木焦
斷腸聲裏落英飄
至今黃鶴樓中
怨千古天人恨不消

紙帳梅

溪籐十幅漱春溫
時有清香入夢魂
多少羅幃好風
月不知消得幾黃昏

往歲待詔金門
驅車驛路時遇鐵
幹生香無不低
面留意但所適之境
不一其暗香疎影之
致而徒

得之於目也謝政疎來歷有年所傳雲之東植梅
數株每芳信臨時啜茗相對真得逋仙之心賞漫
成百詠并為寒香寫照 停雲館主人徵明書并

識

文印

山衡

另伍高全長一丈八尺一寸徑凡三
接鳥絲欄分二百九十六行行楷書

文

文休

雁門文
氏家珍

余從客中得見梅道人墨梅卷文指生書此百詠
於後六載以來言念及之尚覺神往今復寄寓汾
江西園主人出此卷求售展讀一過似漁父再
入桃花源矣皆吳仲圭隱居示中小圃植梅數十
株吟詠其間故稱梅道人待詔亦以致仕後於停
雲館種梅咏詩寫照古人韵事先後一轍其書法
秀骨天成酷似趙吳興是卷可稱三絕詩詔當徵
時巡撫俞諫於遺之金指所衣藍衫曰敝至此耶

待詔佯不喻曰連雨救耳命公遂不敢言遺金事
宸濠慕其名貽書幣聘力辭不赴正德末授翰林
待詔是時專尚科目快之不時於心尋以不附張
璉楊一清知不可自立乞陟益力其潔身高尚如
此故得以書畫貽情優游林下二十餘年題曰鐵
幹寒香意淡且遠也
季子孔廣陶

明文待詔墨蘭卷

紙本高七寸九分
長四尺六寸三分

九畹分香

題引字靜香穀祥

之稱

之稱

徵明

文印

山衡

款二字行書
在卷首上方

沿州

青笠保
義堂

張任
之印

庚拜
所藏

乾
學

玉蘭堂
畫書記

品格高迥不染塵幾人妙筆可傳神畫工轉笑求
形似名士名花自寫真
托得空巖幽谷生靈根

移植自蓬瀛，魏璚桃李，潯山俗慙，向東皇浪得名。
 瑟、孤芳不計年，肯容荆棘漫相牽。端應紉作
 高人佩，詎怨東風著意先。遺地誰云此，弗良自
 消灌溉也，無忘他時，借得栽培力，國色翻令讓國
 香。空山何處不榛蕪，蘭蕙真同一束芻。世若無
 人知，嗅味自佳，清露自榮枯。竹也清，子石也堅，
 寂宜相伴，澹齋題烟好，花不必能工。媚未許先生獨
 凌蓮，嶽雪樓外新築露台，植蘭花十餘種，下疊
 湖石數拳，種修竹幾竿，少有笛書，無多彛鼎，俸讀
 時隨手檢，古人法書名畫，偶閱一過，足以養心，移
 情信可樂也。此卷適置案頭，晴牕展玩，賞其筆墨
 渾化無迹，花葉生動，有神而棘蘭竹石位置，別有
 淡意，不覺潯成六絕，書于卷後。咸豐庚申閏三
 月望，少唐孔廣陶並識。

明文待詔橫塘聽雨圖軸

紙本，高二尺四寸，闊一
 尺一寸二分，水墨畫。



石渠寶笈

蔡天啓嘗住平岡老木授李伯時令於餘地加遠水

跡雁住跡

跡字點去

扁舟以載天啓且賦詩曰鴻雁跡時

水拍天平密老木尚含烟借君餘地安漁艇着我寒

江聽雨眠伯時不能竟他日王渙之以示宗子令戩

即取筆點染如詩中意天啓他日汎舟宿橫塘遇雨

聞雁因復為詩云平野風烟入霧思殷勤住畫更題

詩扁舟

舟字旁添

卧聽橫塘雨恰遇江南跡雁時徵明

偶與子傳閱墨莊

莊字旁添

漫錄因補小圖書其上乙

已四月徵仲

行書十四行在上方

乾隆
鑑賞

三希堂
精鑒璽

宜
子孫

明文待詔唐解元書畫四時讀書樂冊

紙本方幅設色
畫四頁高九寸

闊一尺一寸八分行書詩四
頁高八寸八分闊一尺五分

第一幅春讀書樂圖

唐寅

唐款二字行書
白虎在左方上

六如居士

吳璩

第二幅春讀書樂詩

山光照檻水繞廊舞雩詠春風香好鳥枝頭亦兩

友落花水面皆文章蹉跎莫遣韶華老人生惟有讀

書好讀書之樂何如綠滿窓前柳不除

文徵明印

衡山

七行

第三幅夏讀書樂圖

唐

唐寅

款二字行書
在右方上

六如居士

吳璠

第四幅夏讀書樂詩

修竹壓簷染四圍小齋幽敞明朱曦晝長吟罷吟

吟字

旁蟬鳴樹夜涼燼落螢入帷北窓高卧羲皇侶只應

紫綈談書趣讀書之樂無窮援琴一奏來薰風

文徵明印

衡山

行七

第五幅秋讀書樂圖

唐寅

唐寅

款二字行書
在右方上

六如居士

吳璠

第六幅秋讀書樂詩

庭梧昨夜葉有聲籬豆花開蟋蟀鳴不覺商意滿林
薄脩然萬籟涵虛清近牀惟有短檠在及此讀書功
百倍讀書之樂之陶之起弄明月霜天高

文徵明印

衡山行

第七幅冬讀書樂圖

唐寅

唐款二字行書
白虎在左方二

六如居士

吳槩

第八幅冬讀書樂詩

木落水靜千崖枯迥然吾亦見真吾坐對韋編燈動
鐸高歌夜半雪壓廬地鑪茶鼎烹活火心清足稱讀

書者讀書之樂何處尋數點梅花天地心 右四時

讀書樂

徵明書

文徵明印

衡山

行八

明文待詔題唐解元羣卉圖卷

但本高一尺一分長一丈二尺五分紙凡三接

寫設色折枝花卉二十四種分題五七絕句十一首

清河

庚子拜經堂

傳云

禎祥為蓋瑞為根玉團、裝積痕采味直須三百本一年一本當兼餐 徵明題 徵仲玉蘭堂 四行書

色映三湘翠花開九畹春銀毫濡曉露寫保倍精神 徵明 徵明 行四

窈窕通幽一逕長野人場徑擷羣芳不嫌朝露衣 徵明 徵明 行五

蒙濕自喜春風枝幽香

徵明 徵明 行五

三月曲江微雨乾東風一日遍長安
烟簇粉春如海捲待新郎馬上看
微明
王肅行五

山榴藏百寶笑口一時開
吉地應留子公侯家
微明
王肅行四

仙萼銀宮發天香
玉殿披早香雲露上折取窈窕
微明
王肅行四

我老愛種菊自然空野心
秋風吹破屋貧亦有花
微明
王肅行四

海棠初綻露華濃
碧玉階前錦萬重
自媿無香甘
微明
王肅行五

冷澹斷腸應不惹遊蜂
微明
王肅行五

天上梅姬淺澹妝
露華肌骨雪衣裳
若非有為通
微明
王肅行五

消息誰識春風一面香
微明
王肅行五

犀甲凌寒碧葉重
玉杯擎處露華濃
何當借壽長
微明
王肅行五

生酒只恐茶仙不肯容
微明
王肅行五

傳云

得水能仙天與奇
寒香癖々動水肌
山風透骨今

誰有淡掃娥眉
采一枝嘉靖乙未二月十日見

六如兄所住羣卉二十四種
喜題小詩十一首聊

寄興耳

微明識

玉蘭堂
行九

張經之印

庚拜所藏

六如居士詩書畫皆本性靈別見胸次此卷羣卉
二十四種參差翩反花艸精神無不自出機杼生
意流動豈世之刻意求工規一丹墨者可同日語
哉又徑待詔分題諸詩真不愧合鐸矣 咸豐十
年閏三月廿七日季子孔廣陶記

明唐解元桃花庵圖卷

紙本高九寸長三尺
七寸一分水墨畫

季子
心賞

萬
開北

吳
勘

唐寅畫

唐
白虎

六如
居士

款三字大楷書
在卷尾下角

季子
定珍藏

青霞山人棲碧虛閑戶時時抄素書
在手龍城何必曳華裾
允明
在
明
指
人
指
市
開北

氏

物外高人思不羣悠然懶性謝塵氛曾參石上三生話更占山前一榻雲老去閒情端不規靜中生意許平分年來我亦思怡悅莫道不堪持贈君

文徵明

徵明印

停云館

面室

白雲去住本無心卻共幽人許誼溪棟宇依々凝

萬

素攄瑣窓海々澗涼陰巫山不任襄王夢商嶺何須傳說霖老向菴中自怡悅灑然為我睚煩襟

面室王穀祥

之祿

家宰之屬

石湖里人

人賴庵不出雲閒長在菴雨痕流畫墨山氣入元

承紫之印

談礎潤朝飛棟窓虛暮住嵐余懷渺何許香樹古城南河間章列宿

南村石湖高士

歷扶健風

手攀青天雲朱結山中居虛棟叢晴光高窓散浮

穀山人果無心朝遊夕同宿曠哉物外觀英々媚
出獨周山顧聞文選行

堂印

美爾出棲處迢々雲自深氤氲懸碧落紫禁度青
林可是來山氣元無出岫心登梯真黍竊珥駕欲
相尋尚書水部主事皇甫汈東軒

秘玩

結屋住空山々溪人自閒浮雲起天未掩映芙蓉
顏褰帟望不極惟有浮雲送要知會知知字心處
妙在有無間三橋文壺天壽承六

休承

偶爾一菴成白雲紛在駘躑入夢穉極以于林下
趣契彼山中清道在卷舒重貧於富貴輕遠看世
上者飄覆不須驚茂苑文嘉文氏
逸士高盤霞溪山子萬重猶嫌投迤近故遣白雲
封士雅黃姬水潘氏

李鼎

樓藏

南昌萬氏家藏

枇杷卷卷爭重於時澹墨輕描氣韵閑靜為六如
居士平生真趣之佳藏聽颿樓時季彤觀察出示
賓客曾得拜觀今幸疎嶽雪樓矣十載墨緣如見
故人不覺令我喜而不寐 春仲雨窓厚昌甫記
越日書于汾江寓樓

我妻唐居士襟期自不羣詩情濃似酒禅味淡於
雲既脫功名傳不知車馬紛羣花對流水一坐夕
陽曛 咸豐己未三月三日季子孔廣陶題

勝國四家啓南為六法宗匠實父學宋人不脫畫
院氣習有書有筆冲和秀潤則推衡山而觸手天
籟自在流行工細中別能出傲醞醖士氣之深者
當讓子畏余愛其畫尤愛其水墨画更見筆墨好
事者每國圖言之所謂有徧廊而無皴法即謂之
無筆有皴法而無輕重向背明晦即謂之無墨於
此恭便能體認筆墨二字 庚申春遊小集杏莊
耳辰記於修竹亭 季子

明唐解元秋風紈扇圖軸

紙本高三尺七寸九分闊一尺三寸二分水墨美人

庚拜
所藏

秋風紈扇合收藏何事佳人重感傷請把畫情詳細

看大都誰不逐炎涼

晉昌唐寅

南京解元

唐子畏
圖書

行書三
行在上

方左
角

秘園

廣政事
書樓珍
寶書

明唐解元吟香草亭圖卷

紙本高八寸六分長二尺二寸六分水墨畫

唐寅畫

唐
白虎

南京解元

張經
之印

庚拜
所藏

書畫舫云唐人妙句一經名士圖寫更足千古余謂宋人妙句其得絕千古者雖名筆亦未易摹繪

和靖先生疎影橫斜水清淺暗香浮動月黃昏二句不啻既入子畏心中而能出子畏筆下此詩此畫並傳不朽 庚申浴佛日鴻昌孔廣陶

明唐解元柳岍漁舟圖軸

絹本高三尺五寸闊九寸設色畫

唐寅書

唐寅私印

垂柳高伍綠遙山遠近青一段江湖趣都來屬釣舲 微明題 天印 山

明仇實父松嵐疊翠圖卷

絹本高八寸一分長五尺三寸五分青綠山水

畫印

庚子拜

元

仇英實父製

十州

仇英之印

款五字小楷書在卷尾下角

張佳之印

庚拜所藏

十洲此卷筆法精妙意趣超逸深得兩宋名人氣脉蓋十洲專心師古不樂自用是以得入堂奧登

住者之林耳至于位置都雅人物娟秀花木竹石
碧檻朱欄逶迤相映令人展閱一過未有不寶之
如新詩未難大齊者矣 嘉靖十年九月四日延
陵吳奕題

吳奕
字士

文沈唐仇為勝國四大家贈灸人口久矣余每與
朋儕論畫輒識十洲不當與三公並傳蓋攝其著
色太濃用青綠而秀骨天然書卷之氣溢于絹素乃
知鄙所見者皆鏡花水月須似而神離見效顰之
醜遂笑西子非真識也因跋數語以誌吾過 嘉
慶七年八月九日晉人賀隆錫識于崇文門外卧
雲菴二山門外向東寓所

賀隆
錫印

隆錫
印

賀印

披圖令我憶雲泉邱壑依然小洞天若許他年振
吟社吾曾何惜貢山錢 雲泉山館恍惚畫中之
景展觀感賦 廣陶

山館在白雲濂泉之麓有坡公遺跡焉 先大夫
集同人所達伊墨卿太守題為七子詩壇者此也

春間與吾弟山行過此吟壇故址滿目荆蕪相與
衰細而不能去今觀是畝古木寒流蕭々他館夕
已鞭影得溪橋田皆當時儼如身在畫圖中也
吾弟此詩其將為他年振興之蒿矢乎咸豐庚
申孟夏懷民居士識

明仇實父白描人物八段卷

紙本每段高七寸一分闊
一尺三寸九分前已改冊

為卷用宋紐
裝成極雅潔

渭仁
審定

第一段



在右方
下角

第二段

實父仇英畫

仇氏
實父

小行楷書在
右方下角

第三段

仇氏
實父

在右方
中之上

第四段 實父仇英画

仇氏 實父 小行楷書在左方下角

第五段  在右方

第六段 仇英 仇氏 實父 小行楷書在右方中之上

第七段  在右方中之上

第八段 實父仇英寫 仇氏 實父 小行楷書在右方中之上

梁 章鉅印

余往過攜李見寔父為墨林山人小刻字照用白描法儼然如生並信仇君繪事可以紹元宋而造唐人之道矣今徐子文若持此冊示余葉徑衡翁茶香品題余復何言觀之惟有歛手咋舌而已

周天球 周氏 公瑕

隆池山樵數年觀于雲閣

曾 在 云 間 金 龍 生 處

近見閻立本王會圖淵靜肅穆同此一種筆墨乃
知此卷之絕倫蒙翁真鑒寶貴特甚用宋紙裱成
屬余題識焉素頤侯米老書之郵人何敢污墨強
之再三重違其意塗抹幾字惶愧惶愧 遺光公
卯八月泥上徐渭仁 徐隨

渭仁 軒

道光丁未九秋陸保觀于心太平室

臣陸保印

宣公 三十六 在孫

實甫微時執事丹青得指授于周東邨遂知名于
世張清河謂其臨摹古迹遠勝自運前七載得觀
所撫張翰林清明上河圖類上添毫精妙獨絕近
見其畫幾使有五歲疎來不看山之歎此卷白描
八段與寔甫平日畫本迥殊一種高逸閑靜之致
宜可爭松雪席而入龍眠室矣周公瑕謂有衡翁
茶香二跋未審何時失去惜之 咸豐戊午中伏
日揮汗書 廣陶

明仇實父回紇游獵圖卷

絹本高一尺六分長九尺一寸四分設色工筆寫番人十

有七嬰孩一馬十八索
駁三獵犬一不著款

萬字
瓦錯

北
玩

乙未
生

珍
藏印

北
父

吳氏
珍玩

浪用
香光

白文
不辨

朱文
不辨

白文
不辨

不
辨

齊華
珍玩

集
珍玩

北
淵

南
珍藏

萬氏
珍藏

寶父
英仇

英仇

田鵲種落不一歷代稱名各異而莫強盛于唐其
國隨水草畜牧多產駿馬橐駝故日以游獵為事
昔人已有番部按鷹獵騎牧馬等圖實父山卷皆
臆仿古賢名筆元宰謂其伯駒後身於此信然恭
中建旂者挾矢者仰視者現弦者返射錢鏤者疾
馳以應者抱頭着矢者撫掌相嬉者有困伏驟駭
而軒者有披裘停轡以觀者有解鷹顧盼以自得
者皆虬髯虬鬚頭釣鼻凹睛羣相馳騁於平蕪翔漠
之中每一開卷想見當時慄悍踐踏中原景狀撫
今思皆能毋掩卷而吁也
海孔廣陶識

明仇英父蓮谿漁隱圖軸

絹本高四尺七分濶二尺一寸一分設色山水

蕉屋林書

安儀周家珍藏

塘貝

吳壽泰父印

蓮谿漁隱圖

仇英實八製夏父

仇英

款十字小楷書兩行在左方上

心賞

安岐之印

止

蕉林居士

仇十洲蓮溪漁隱圖六蹟神品

安山

此畫在明為徐晉逸所藏國初入梁蕉林家轉入
麓邨安氏後昧繆氏父子余從繼之孫春泉得之
清河畫舫稱為仇畫第一蓋十洲畫室罕有此清
遠絕塵之佳也他所見瑞應畝篁圖設色布置
非不精妙而品格則遜矣嘉慶丙寅秋八月
安山子謝希曾識

安士

希曾

陳留仲子

十洲始宗蕭李行筆頗碩既出入三趙漸近南宗
斯畝全師大年設色布格俱妙而筆復瀟灑乃不

愧與唐文並列也 庚午孟冬重觀

安山記

謝印

謝印

阿曾

山安

張廷

審定

吳郡謝希曾

明仇實父瀛洲春曉圖卷

絹本高四寸長二尺四寸九分青綠山水

安波

壽承

嘉靖丙午春三月 實父仇英製

款十二字小隸書兩行在卷尾之中

明月

雲卿

麟士

蘇田

小玲麗

畫家惟畧畫取難前有伯駒後有寔父洵足相映古今此圖寓清疎于真密存標渺于工麗尺幅中有千里之勢覺海上神山去人不遠也 仁和蔡振武跋

等兒閑人見妙倚欄桃李春風笑為聲飲水聲閒珠簾捲盡八面看青山綠楊挂網香潮漲油壁初

傳船又放詩中仙酒中仙吹笙騎鶴風帶下翩
和花坐蘇雲卧閒花自放河雲過西牆東畫樓
中落紅揀數一陣任驚風尺三發煞塵中脚如
湖山無處著儘思量然思量何緣小住一日醉
千場 梅花引一闕 庚申五月晉笙許應麟

笙

碧嶂瑤臺春色繁五雲鞭鞭放晴瞰仙家豈異人
間世鷄犬桑麻別有邨 宣父寓仙山樓閣曾見
十餘本命意閒雅著筆纖細靡有過于此者李將
軍父子又何多讓耶 咸豐歲次屠維協洽麥秋
月浣花日與李蔚軒同觀因題 鴻昌

明戴文進老節秋香圖軸

紙本 高四尺二寸 七分 闊一尺八分

老節秋香 錢唐戴進寫

文進之章 靜庵 款九字行書 在左方之上

卷峯 賞玩

氏家藏 劉

佳林 審定

季形 視玩

劉氏寒 碧莊印

聞道翁符種菊君今對菊獨淒神蕭條三徑猶餘點字含露帳望淡秋似有人肘後使多已試

鼎中留藥不嫌貧相從何日東籬下一嗅餘香賦口身余向時為心菊先生賦此戊午歲將止

行復書此畫為贈以見別意云耳荆川順之唐氏德

黃花可傲霜清菊可醫俗掩映拳石間天狀山芳躅何事採東籬始卻五斗粟何事渭川乃饒子

畝足對此丰標思不羣知君不受相迫促我生亦有老米癡奇石妙墨當拜之肯令壽客青士石丈

要笑我魚瘦白俗無新詩咸豐九年己未暮春天氣西園日落與眉仙散步菜畦桑陌間遙見苑

店烟炊野塘堯浴微一幅趙大年山水也皆不成詠疎對此画忽而興之所到縱筆便題又何區乎

是情是景耶達觀者孔廣陶

明董文敏楷書多心經冊經本九頁：俱高七寸二分闊四寸六分為絲綢分四十

四行

般若波羅密多心經

觀自在菩薩行深般若波羅密多時照見五蘊皆空
度一切苦厄舍利子色不異空空不異色色即是空
空即是色受想行識亦復如是舍利子是諸法空相
不生不滅不垢不淨不增不減是故空中無色無受
想行識無眼耳鼻舌身意無色聲香味觸法無眼界
乃至無意識界無明亦無明盡乃至無老死亦
無老死盡無苦集滅道無智亦無得以此鍊所得故菩

提薩埵依般若波羅密多故心無罣礙無罣礙故無
有恐怖遠離顛倒夢想究竟涅槃三世諸佛依般若
波羅密多故得阿耨多羅三藐三菩提故知般若波
羅密多是大神咒是大明咒是無上咒是無等咒能
除一切苦真實不虛故說般若波羅密多咒即說咒
曰 揭帝揭帝波羅揭帝波羅僧揭帝菩提薩婆訶
般若波羅密多心經

因觀顏魯公田神功八關齋會記擬其筆意書此
經米元章重頴行而不許顏真書故無楷行世亦

是缺陷張長史郎官壁記迺狂草之築基也 丙

寅九月念三日青浦舟中記同觀者俞彥直陳卧

子孝廉許令則

逸士 其昌

量氏其昌

宗伯之章

文敏自跋所書麻姑仙壇記云余書初師顏平原
多寶塔不過借此開拓筆力寔手平原之神理未
有入畫是其醉心顏書久矣自後學鍾王虞褚諸
家又為一變此恆天石六年七十二歲書復擬八
開齊筆意駕輕就熟與率俱進可寶也當時同觀
者兩孝廉兩逸士許令則下前手挖去其名未知
何故 道光己酉仲冬十日呵凍書 少唐孔廣
陶

明並文敏秋興八景畫冊

紙本俱高一尺七寸一分潤
一尺二分設色山水有對題

董文敏

無聲秋興

藏任山齋

此籤商邨手書字亦古質

李鼎審定

李鼎真賞

謝印

謝氏藏書

董文敏秋興八景圖冊 聽 張印 接藏

第一幅

阿曾 秘玩 仙 亦仙 心賞 珍藏 謝氏 伍氏 南 宗華 審定 阿曾 秘玩 黃 吳榮 伯華 季彤 審定 審定

余家所藏趙文敏畫有鵲華秋色卷水邨圖卷洞庭

兩山二軸萬壑響松風百灘渡秋水巨軸及設色高

山流水圖今皆為友人易去僅存巨軸學巨然九夏

松風者今日倣文敏筆並記 庚申八月朔前一日

元宰 行書九行 顯于上方

香光起為湖廣提學之後未擢太常之前而銘心
絕品書畫散易殆盡雲烟過眼當佗如是觀視米
老之日盟手看兩迴為黃升中計歲月癡矣香光
六十外書畫始散米老壽五十有九則約計其把

玩自造之日月果孰豐而孰藹耶大抵翰墨久暫
有定亦視夫人之緣法深淺也因香光此幅有易
去各畫語感慨係之衛光辛丑五月廿八日為
季彤觀察題于鶴露軒六十九老人吳榮光揮汗

書

吳榮光
光印 榮光

第二幅

赤仙
心賞

安山
道人

宋學
審定

男祖
珍藏

黃

榮光
之印

荷屋
鑑賞

潘氏
樓藏

溪雲遇雨添山翠花片粘沙住水香有客停撓釣春

渚滿船清露濕衣裳

元宰
行楷五行
在左上方

平波不盡蘼葭遠清霜半落沙痕淺烟樹晚微茫孤

鴻下夕陽 元宰庚申中秋吳門舟中畫

行書四行
在右上方

柳疎楓赤懷人遠平分尚覺秋光淺天地幾蒼茫
迴頭即艷陽 香光此幅極似吾家溪山秋霽卷

乃七年前癸丑所畫也辛丑五月廿八日 伯

第三幅

安山

心賞

宋梓

男祖

黃

荷金

石

子

玩

黃蘆岼白蘋渡口綠楊堤紅蓼灘頭雖無刎頸交頗
有忌機友點秋江白鷺沙鷗傲殺人間萬戶侯我是
不識字烟波釣叟 庚申八月廿五日舟行瓜步大
江中寓此并書元人詞亦似題畫亦似補圖 元宰

行書十行
在左上方

漂上母蒼茫糊口蘆中人寂寞埋頭天涯貧賤友
半在漁樵友付江干來往浮鷗冥向人前說故侯
說道老無用太平野變 和韵意在畚外也 伯

榮

吳

第四幅

六仙 心賞

宋印 駿業

男祖 珍藏

季刑 曾觀

安山 通人

宋聲 審定

黃

荷屋 審定

坡可庵 墨緣

霽霞散曉月猶明疎木挂殘星山徑人稀翠蘿深霞

啼鳥兩三聲 霜華重逼雲裏冷心共馬蹄輕十里

青山一溪流水都造許多情 元宰庚申九月五日

行書九行 在上方左

何來霞秋色偏明 星滿一感我疑星樹影蕭騷山容料

峭虛室聽松聲 雨絲漸覺微 冷秋老荷羅輕

月照迢迢 離流浩 不盡古今情 辛丑五月廿

八日和韵 伯榮 吳印 一石

第五幅

六仙 心賞

謝氏 阿嘗 珍藏

男祖 珍藏

宋聲 審定

黃

荷屋 鑑賞

荷屋 審定

季刑 心賞

秋光老盡芙蓉院堂上霜華勻似剪西樓促坐酒杯

深風壓繡簾香不捲 玉纖慵整銀箏雁紅袖時籠

金鴨煖歲華一夕委西風獨有春紅留醉臉 偶書

少游詞 庚申八月舟行瓜步江中乘風宴坐有偶

然欲書之意 元宰識 行楷八行 在右上方

掃除金粉宣和院偶取吳淞倩一剪萬松邱壑畫
家禪畫日看山簾乞據 春來社鷺秋來雁踏盡

嵐浮蕙翠暖也曾瓜步渡江來認得六朝桃葉臉
憶戊寅渡江和韵題山 仙夢時年六十有九

吳印
榮光 荷屋

第六幅

男祖
珍藏

榮伯

荷屋
審定

季鼎鑑
定珍藏

宋榮
審定

安山
道人

黃

短長亭古今情樓外涼蟾一暈生雨餘山更清暮雲

平暮山橫幾葉秋聲和雁聲行人不要聽 元宰

庚申九月朔京口舟中寫 行指六行在左上方

旅人亭居人情滿眼雲山寄此生多防看未清
近山平遠山橫識是當年離別聲煩君着意聽
香光六十六歲畫伯榮和題冊中韵

吳榮
光印
庵印

第七幅

亦仙
心賞

宋印
發業

男祖
原藏

安山
道人

宋筆
審定

黃

伯榮
審定

荷屋
鑒賞

季
平生
真賞

吳門友人以米海岳楚山清曉圖見視因臨此幅

庚申九月七日 元宰 行書四行在右上方

米家雲山得意卷定為元暉確不可易茫昧四百
載寔自香光發之康熙間筮在辛得之考澄未定
跋語有空出之字而高江村即以入銷夏錄而仍
其闕今刻本故具在也衛光丁酉予在闕以重值

及珍玩易之按訪考据入辛丑銷夏錄似可為朱
老父子功臣蓋當時蔡肇所撰米公墓志本有脫
略而方信儒之記亦多疑誤質米又從而混之也
因觀者光所臨楚山清曉圖記之辛丑伯紫

第八幅

安山
審定

六仙
心賞

宋華
審定

男祖
珍藏

伍元憲所書
評書畫之印

黃

荷屋
審定

聽雨
樓藏

樓藏

今古幾齊州華屋山丘杖藜徐步立芳洲無主桃花

開又落空使人愁波上往來舟萬事悠々春風曾

見管人游只有石橋々下水依舊東流庚申九月

重九前一日書是月寫設色小景八幅可當秋興

八首元宰

行書十一行
在左上方

圖畫識荆州餘藏有
州彈指雲山供瀝墨香草多愁
居士比邱
天地一扁舟

江水悠悠，森端秋色，載雲遊拈出杜陵詩八首，今古風流。

伯華和韻

吳

香光以禪理悟書畫，有頓證而無漸修，頗開後學。派弊然其絕頂聰明，不可企及。近來覃溪老人漸而未頓，而考鑒未至，恐留人指撻，奈何奈何。平丑初伏，伯華又識。

吳

思翁秋興八景，取三趙神韻而連以己意，寓古澹於濃郁中，真為妙絕。仿米海岳、楚山清暄，參用北苑法，雄渾霖匹而未幅，尤瀟灑出塵，悠然意遠。戊辰暮春，安山。

安山

詩

安山

中

此宋文恪商邱公之物也。商邱撫吳時，愛購諸名跡，是冊與焉。乾隆四十九年，伊孫將吳中耗其資，斧不得，跡固貨於余。同時携來，尚有王黃鶴聽雨樓卷，真跡，面僅二尺餘，而筆意古淡，神韻悠然。諸名公題識，咸精好，余不能得，至今猶惜之也。庚午重觀，為追憶所自，書於畫後。

安山

子希曾

謝印

希曾

杜陵秋興是千古千古誰加點染工畫景詩情兩
無匹宋元低首董思翁 守璞主人書于十二研
齋

余得前明沈季山所藏宋拓黃庭經後有陳省公
跋謂季山以宋刻黃庭大瘡面冊二種為墨寶其
冊後味董思翁憶去歲偶見呂氏之子久山水大
冊已有思翁印記沈雄渾厚精神煥發迥即省公
所見者邪以重值不可得為憾今此冊筆法酷肖
神韻志合始恍然思翁從大瘡脫胎生平所見董
畫當推此為無上正覺 咸豐庚申仲冬雨牕
廣陶誌

石雲中丞題此冊在先編定銷夏錄在後故有舛
錯遺漏錄內畧為更正與原題小異耳 季子

明董文敏山水冊 伍本高八寸一分闊
五寸九分水墨畫

第一幅

有山堪結屋無地可容塵

元宰

董印其昌

行書三行在上方右

第二幅

石坂水連下羣峯雲共高

元宰

仁書三行在上方左

第三幅

城隅綠水明秋月海上青山接暮雲

元宰

董印其昌

行書

五行在上方右

第四幅

法倪高士筆

元宰

董印其昌

行書二行在上方左

第五幅

倣黃子久筆 元宰

元宰 行書二行 在上方右

第六幅

煙耶雲耶遠莫知烟空雲散山依然 元宰

元宰 行書五行

在上方右

第七幅

倣黃鶴山樵筆 元宰

行書三行 在上方左

第八幅

元宰寫於白門舟次

董其昌印 行書三行 在上方左

雲間顧氏家藏

明董文敏倣北苑山水軸

絹本 高一尺八寸六分 潤一尺三寸水墨畫

野色烟初合林深月未明 己卯夏五仿北苑 董

元宰

董行書四行
元宰上方之左

明董文敏嶺上白雲圖軸

絹本高四尺四寸五分
闊一尺六分水墨畫

琅嬛室
書印

高
書珍藏

介
禊

畫禪

山中何所有嶺上多白雲 董元宰

宋史
其昌

行書三
行上方

右之

推都
珍藏

明董文敏行書陳心抑尚書神道碑墨蹟冊

紙本方幅
高一尺一

寸一分闊一尺一分為然闊
八頁分八十行字約徑七分

通議大夫刑部左侍郎贈尚書心抑陳公神道碑

穎陰星煜公卿所以無慚媯氏鳳占子孫於焉克世
白珩產崇山之巘黃鍾列右序之中帝用錫夫庭堅
翰亦式夫山甫登碩老以資忠敬念凝績而懋追榮
如我陳公六躋顯仕一贈穹階始以養志安親終以
爲公殉國舉四行之尤善爲百代之完人有繇然已
公諱禹謨字孟文仁和人也先世扈宋南遷代有隱
德至公祖贈侍郎公諱景祥履道貞厲蓄澤淵汪
手高廷尉之門家沿萬石之矩實生公父中丞公諱

洪濛經綸九有為昭文武万和為憲保和居直業濟
功成勒銅柱於施州終身不伐平金矢於伊鄭常憲
必伸棠棣丕基至公益大公生於宦邸幼習朝彛羈
貫之年已鋤蒙志計偕之日儉過寒生既而射策南
宮授官西掖雲飛綸閣光耀天池稽古以拆嫌疑緝
熙而潤黼黻尋簪法服疑漏一字列班行問輦轂之豺狼
震江淮之州木論箋鹽鐵齒嚙雪霜梁上之封題宛
然柱後之直聲彌壯四牡再駕一路騰歡時則鶴座
未安瓜臺屢諷偕其同志首發昌言天怒有赫而

卒回國本自茲而始定公乃永懷陟屺屬賦居園迴
九折之完車脩五釜之腆隨煦孺子之色溫恭人
之基雖復重問屢升嘉招狎至耽山水以資仁智躬
燂熨以順息居迨於違養之久猶深抱樹之哀縞綬
遵儒者之儀稟冠見棘人字貌然後濯纓璜渚還
斧駕班漕輸首藉條綱土貢尤寬採訪轉滎陽之粟
給河內之儲因而祝璧馬於宣房通舩楫於灞漭沔
黃竝治金穀俱穰但堅報國之心肯掣當事之肘公
望益峻問政普清塞淵來駉北之繁曲突慮犬羊之

熾若其填撫之烈殆與方召齊勲先發禽劇盜而往
符不致燎原先期裕遠餉而貌絀遂得宿飽猶復申
儆聚散流涕清時大臣之言舉國所聵四履盡驅螟
特咸推露禱之誠六軍交勅否臧用固金城之略載
晉卿秩佐掌邦刑公已堅志投纓無心臨組會□氛
益亟仕路張皇慷慨暗行倍道彭命考大德除兇之
運唱靈祇億兆之懷教熊羆使食猘獠執俎豆如陳
干戚北使繪潞公之像兒童慶溫國之來遂竭營度
於橘山已格馨香於泰時方膺殊錫遽返杳冥

聖主輟朝百僚奪言橐無贏俸架止束書踈賙成喪
列城望祭 詔贈大司寇護葬及窆備物加等太常
考行將易貞名粵以壬戌九月治垕西山之原其來
月崇祀賢祠吉先叶於著蔡典尤重夫蘋蘩禮也維
公以孝敷聞以忠特達以幹稱職以恕平刑舉不忤
物行不由徑獨而不黨清而不矜全志節於險夷偕
第祿以終始所尤難者青年曳綵白首驅車總記見
於君親無容心於出處功在社稷蔭在鄉邦遺愛至
矣慎終榮矣公兩娶一李一張皆贈淑人子宮生紹

英文行並蔚公侯必復承烈亢宗可以崇京垓之所
屬扶陽之館鑱石施隧來徵信詞作為銘曰

穆穆陳公為王世臣剛方恬遠不可踈親其直如矢
其清如水不競鋒鏑但中肯綮安儲一疏侍養卅年
益培汝器黃流瑟然乃操化權乃飾王度被覆九州
風清獨坐迺雨何人載馳載驅鞠躬無貳有死不渝
履聲忽稀轅馬起顧其寒斗森有光若吐蘇彼岑阿
鼓吹虞謌碑流雨迹樹引風過盛烈孤邁德音長郁
視此琬琰櫟虞陵谷

賜進士第通議大夫禮部右侍郎詹事府協理府事

兼翰林院侍讀學士奉 旨纂脩 兩朝實錄前知

制誥起居注 經筵講官董其昌撰并書

宗伯
學士

董
元宰

壯烈
伯章

香光書吾見亦夥未有若此之光在陸難者是本
書詞並皆佳妙殆與爭坐位之祭稿絕相似蓋平
時醉心於二帖故不覺其神似乃爾細審之為煉
筆書以凍墨澄之無或疑為至陳公心抑別方活
遠為有明一代偉人歿以節見尤為世所共仰大
都能手皆所樂書宜乎其適爾若此三復斯編曷
勝欽歎時丁酉小春下浣我東方良辰出示山
本屬題為魚戲語恨書學未諳展卷已令人氣攝

但覺其出入晉唐不能一一指出耶即祈教我知無當也 潤堂李廷鈺志 廷鈺

戊寅進士 視學額南

武林 卷八

萬年 日實

明兵部侍郎陳禹謨纂錢唐縣志在茅家埠天啓間諭葬 分省人物攷禹謨孫心抑仁和人萬歷丁丑進士授中書選卿史尋除江西巡按兩至簡肅終養里居十年起補巡漕陞太僕卿撫鄧陽轉刑部侍郎終於官

生平見文敏真跡幾已百種失於漂滑者多此碑骨氣洞達爽：如有神力參以坐位帖筆法故趙姿頽骨倍加精采與尋常所書奚啻天壤近觀其書聖主得賢臣頌曾為 石渠珍祕彼得圓秀之姿此得蒼勁之氣均為董書第一 咸豐戊午重九日南海孔廣陶書於嶽雪樓

明董文敏書畫冊

冷金牋本八頁俱高七寸九分潤五寸水墨畫對題行書白紙本八寸全

第一幅

元宰

董印行書上
其昌方之左

只謂一蒼翠不知猶數重晚來雲影裡更見兩三峯

其昌

太史氏
董其昌行四

第二幅

元宰

董印行書上
其昌方之右

倪迂仕畫簡澹中自有一種風致非若畫史者流縱

橫習氣也

其昌

太史氏
董其昌行四

第三幅

元宰畫

董印行書上
其昌方之右

青林鬱茸，長松出林表，所以蔣生徑，棘竹亦自好。

其昌

大史氏

董其昌

行四

第四幅

元宰

董印行書上
其昌方之左

山水家森梢直樹起於北苑，老杜所謂請君儼儼字旁點

放筆為直幹者是也。其昌

董其昌行四

第五幅

董元宰畫

董印行書二行
其昌上方之右

積鐵千尋屈紫虛雲端鷄犬見邨墟秋光何處堪消

日流潤聲中把道書

其昌

太史氏

董其昌

行四

第六幅

龍山旗

曲水風流

元宰

董印其昌

行書上方之左

茂卿審定

閉戶著書經歲月種松都位老龍鱗

其昌

董其昌

行三

第七幅

天降時雨山川出雲

元宰

董印其昌

行書三行在上方之左

開無無字旁點雲無四時散漫此山谷才乏霖雨姿何妨

媚幽獨

董其昌

太史氏

董其昌

行四

第八幅

傲倪高士筆意 元宰

董印行書二行在
其昌上方之左

群信

谿廻路自轉出澗何冷！此中如有屋便是州元亭

其昌 太史氏

其昌董行

群信

驚羣墨野
珍藏書畫

椰子

道光己丑九月望日余自都中將脂車南發賈人

持思翁小冊求售視之書畫相連均各八頁書法

流麗瘦勁畫則樹石高古丘壑幽深且裝池用宋

羅文紙的屬前明名棧因為傾囊置之重易錦皮

暇日天朗氣清窓明几靜焚香展讀為述讚曰

大哉皇明文物孔威風流宏賞曠代無方工參造

化體具陰陽画原北苑書湖英光珠聯璧合山高

水長子孫寶之如珪如璋 十月十又三日題於

席止舟次為蒼主人王汝槐跋并書 （其昌印）

王汝槐

嶽雪樓藏董文敏二十餘種此其一也 咸豐八年九月六日重裝廣陶謹記

明董文敏仿北苑溪山樾館圖軸 紙本高五尺一寸三分闊二尺二寸八分

水墨

董文敏溪山樾館圖 為耕題簽 筠樹

張徑之印 庚拜

董北苑溪山樾館圖 往在北扉得觀朱黃門所因臨

粉本篋中今始成此頗有肖似 元宰 宗伯 董 行書

字徑寸餘在上方之左 張徑私印 審定 珍藏

明王文成倪文正尺牘真蹟卷

聽風樓藏

雲巢審定

雲谷齋藏

雲在堂

管領湖山

祥兒在宅上打攪早晚可戒告使勿胡行為好痛去
事可令一一為之諸友至此多簡慢見時皆可致意
徐老先生處可持為一行拜意朱克相兄弟亦為
一問致勉勵之懷餘諒祈心照不一一耳

守仁拜

惟善秋元賢契

伍本高七寸三分闊九寸一分行州書分九行

葉印

夢龍

谷

別時不勝淒惘寤寐中尚在西麓醒來卻在數百里
外也相見未期努力進脩以俟後會即日已抵鎮遠
須臾放舟行矣相去益遠言之慘然書院中諸友不
能一一書謝更俟後便相見望出此問致千萬意

守仁頓

張時裕 何子佩 越文實 鄒近仁 范希夷

郝升之 汪原銘 李惟善 陳良臣 湯伯元

陳宗魯 葉子倉 易輔之 詹良臣 王世臣

袁邦彥 李良臣

列位秋元賢友不能盡列幸意亮之

高鳴鳳 何廷遠 陳壽寧

勞走餞別為致謝千萬千萬

行時聞范希夷有恙不及一問諸友皆不及相別出

城時遇二三人於道傍亦匆々不暇詳細皆可為致
情也所買錫可令王祥打大碗四箇每箇重三斤須
要厚實大樸此方可其餘以為蔬櫟粗磁碗買十餘
水銀擺錫筋買一二把觀上內房門亦須為之寄去
鹽四斤半用為醬料朱氏昆季亦為道意問真士甚
憐其客身卧病今遣馬去迎他可勉強來此調理藥
木板可收拾勿令散失區々欲刊一小書故也千萬
千萬

實錄
藏板
吉金之

文實近仁良臣伯元諸友均此見意不盡別寄也

仁伯
安白

惟善秋元臂友

汪原銘合枳木丸
乃可千萬千萬

紙本高七
寸三分潤

三尺三寸七分
草書分三十六行

王文成公理學之粹勛業之隆為有明一代偉人
翰墨乃其餘藝余昔年在袁浦有友持公家書乃
寄海日先生於京師者時值土木之變公年甫舞
勺持論與于忠肅布置同此手札乃別貴州諸生
者即以書法論直入晉唐之室而一種拳拳不忘
之意真令百世奮起也
道光二十九年八月朱
昌順敬識

顯

朱文印

映璣
之印

穆
盒

葉印
夢龍

李卿
鑒定

南海葉氏
雲谷家藏

長公親翁歸訊知

雄槩因奉

元提

明既之辱

施及猿鶴欣喜感慙一時俱集 老親翁今之李郭
經手即成再造非徒才大實從戰兢得來耳比聞

按行周諮致廢眠食要亦宜小存節護萬里之外以
身為本此正是為 國為天下繇其才無不足精

神甯使有餘也海運議興 廟堂似在決策此鉅

利鉅害 深識周計何以善此 朝堂方知 老

親翁如漢武之於趙營平營平往復奏論使天子心

屈而後其功可成今 聖人雄才密慮皆有之可

與忠言即有不佞不妨熟計條上此與臨陣決機不

同審謀從容為費也何如何如適有松楸之事外率
報謝每投瓜瓠輒承 琚玖甯取空槭是希 委
亮 上族遇有殺士之事可歎也清和後五日第璐

載頤

經本高八寸三分闊一尺八寸二分行書分二十五行

朱文半印

雲谷書
藏
者金之

葉印
夢龍

秋來伏想

倫羽整暇為福也比聞

戈師出海勝

氣坐然老上榆關報斬獲堵回倚之角之豈不繇

樓船濤怒芑流江漢者乎第山栖幸無事惟米價翔
涌斗三百錢于今三月聞山東饑又甚人相食樹皮

都盡可哀也 老親翁定飲水弟則食珠是則 虎

豹與猿鶴同餓耳當弟至急時輒得 長公親翁調

濟百口感雲虹也今于其行潦率言 候內緩益甚

不能多語別狀佈臧近以懶慳托之澹簡情見乎辭

知 當一啜耳老母暨室人聲候 老親母夫人錦

緞萬福 七夕弟元璐載頤 左冲 恒本高八寸三

三分行書
分二十行

谷云

無棟張氏
雲在軒堂
登寶章

儲季
張鑒

葉氏
印

浩氣流行 疏麻樓 朱昌 順 年大

宋

吉

正德五年庚午先生三十九歲由龍場赴廬陵任書云即日舟抵鎮遠則此書蓋作於去龍場後故於諸生致書之意書院即龍岡書院集中有西園及寄徐掌教詩似可為書中西麓及徐老先生之證也先生自云始摹古帖止得字形後舉筆不輕落紙今觀此蹟於健氣中每饒波折之致知大賢作字甚敬尋常簡牘亦不苟耳

至後學番禺張維屏謹識

嘉慶甲戌長

倪文正時家居今讀兩札拳拳國事忠愛之氣溢于行墨矣同日敬觀屏再藏

南山

王文成公事畧南山先生前跋已詳而倪文正公以爭論揚雄垣祇東林兩疏雅負時望崇禎八年遷祭酒為溫體仁所忌尋落職家居兩札即此時書也十五年詔起為兵部侍郎起拜戶部尚書得叅兵部事盡力籌邊中外想望平治時沈廷揚獻海運策行之有效觀此札是其海運一節先已審慮周詳家居不忘國計書法亦有忠臣骨格與王文成同為伯興人兩公真跡合裝成卷一以經濟

理學一以抗直孤忠輝映後先昭耀今古葉雲谷
農部皆已刻入友石齋帖細校一通文正公第一
札後省節十一字第_二札調字為後人挖補耳
咸豐丁巳重陽時節後學南海孔廣陶敬識

明倪文正松石軸

紙本高五尺五寸闊二尺七寸三分水墨畫

審定
珍藏

張任
之印

允懷黃石言從赤松為王者是僊人宮師

元璐

倪文正印

行書三行
上方之左

明倪文正黃石齋書畫合卷

吳氏
清信
藏書

櫟倪黃筆意

元璐

鴻

紙本高五寸五分長四尺七寸三分淺設色山水款在幅

欽雪樓書畫錄卷四

富

之右

余藏文正草書絕句大幅云莫向雲中仍江樹等
閒驚起故園心今讀此畫神往彼幅也 紹基

山王

倪文正善畫竹石水雲山卷乃撫雲林大癡山水
矮幅邱徽遠遠皴擦入古真不愧清祕閣宗派
伯榮 舊失此跋廣陶補錄

東郭舊荒新草迷華門今復築垣齊途窮兩鄰長穿

榻興盡三春枉杖藜豈有通人來狗竇但傳清曲為

烏棲數行桃李甘岑寂誰向風前問故蹊 褐塞苑

茨久稱貧僦遊還此倍相親已知逃世如逃雨翻覺

逢人即累人損益兩交成晚計龍蛇何字可文身江

南臘月猶青草積雪無勞走比鄰
新移叢桂鬱堪攀
何似溪山小
魚向釜中負水出人從牆外委
書還遠來二仲迷開徑習久鄰翁
閑陶甌粟不知
何日盡拳薤猶自慰斑斕
日再梳頭便厭煩誰聞
閉戶更踰垣
垂癡但問蟬依葉放浪交言
蟲處禰癖
爾披帷人自在居然笑我舌
棘存陸沈震成滄海
未必金門可避喧
仇家久亦似吾廬
即作吾廬自
卷舒不謂豹
斐成隱霧誰云鳩拙定無居
親朋得意
徒分袂
野老逢春正共鋤何事世間成
許怪笑人拙

拙坐揮書 迂跡倦興在相仍落々全家應且憎儘
見偕妻辭楚澤未聞携母住於陵悔將詩句行無賴
尚畏儒冠隱未曾掩耳逃名遜亦拙蘇門深處愧孫
登 何緣北渡復南游人既言愁我亦愁幾處河清
能見底只今海大自橫流半生家計輕於鳥兩字身
名泛似鷗鎮日東牆聞取醉何妨置酒在溪頭 日
落照戶種野草天為開芭生蓬蒿自然過卷無双轍
不覺隨人歎二毛清福欲偷十日醉著書還有百年
勞寒窓夜半聞鐘語狂向床頭捉佩刀 閩海黃道

周

黃印道周

綃本高六寸五分長五尺五寸一行

曾在吳石雲

發忠合鐸詩書兩載猶藏故任堆自發墨緣應
不淺劫灰無恙我則來丁巳巡亂汾江市中偶
見此卷詢知賈人云管年賊焰吳荷屋中丞所藏
盡遭一炬此不過燼餘之故紙尚何足輕重耶余
笑而不答以廉值購歸此迨中丞收入辛丑銷夏
記第五卷者轉歎古人翰墨流傳知已良未易遇
也戊午八月重裝後學孔廣陶敬題

倪鴻寶黃石齋兩先生同入翰林同其抗直同以
天下事為己任其後亦同死國難今以書畫同裝
一卷真所謂二難並矣倪公晚年築室城南松檻
法式皆自繪畫巧匠為之束手英公坐登衣雲閣
施以錦帷張燈四照黃公言國步多艱不宜宴樂
倪公笑曰會與公訣爾其家居豪放如此黃公文
章學問彪炳千古書畫特其餘事而隸州亦能成
家當其築書院於鄴山開講堂於浦邑注書行教

蘇有庶維遺風其抱道自重又如此迨二公之居
官時欲崇正黜邪盡忠補過卒能殺身成仁其事
不同而道正無不同也此裴忠翰墨宜徒以書畫
見重哉每展一過令人生敬可使百世之後顧庶
儒立信非虛記 同治癸亥嘉平月十日廣陶敬
觀再記

明黃石齋松石卷

絹本高八寸七分潤七
尺三寸七分水墨畫

聽風樓藏

季彤心賞

順城南報國寺後庭二松秀拔干霄各百尺垂樛孫
枝及地前庭二松高僅與檻齊盤偃如蓋長安靈植

自西山竇柏而外棘渡踰此者

行書九行
在左方上

應天南郊壇二松竇異諸木自複道以東左一蟠壑

土敷根盤屈如兩條蛻偃地丈餘卧而復起右一株

亦合理如鼙鼓西南薜株來翠可拂亦異表也

行書
十行

在中
上方

包山毛公壇諸松皆棘足觀唯林屋洞前一老突兀

上叢爲窠千盤百結靈威市人尚依此老以爲生活

耳

行書六行
在中上方

黃山滄鬱十日一霜諸老各倚天自傲其最著者有

卷龍破石各四面抱岑嶠攢空直出有自在松牙大於

根託掌石上以背友歸如安期之曝煦於南榮也

行書
七行

在中上方

銅海黃道周寓

道周私印

內絲

行書一行在左方

潘氏季珍藏

確齋

石齋先生忠義之氣皎如日星其所遺翰墨固自可寶余嘗往來昭陽寶應間見先生所書孝經與高侍御簡牘字畫古奧胚胎於太傅右軍間不漸染唐宋人谿徑然後更知先生一藝之不苟如此獨未見其墨戲皴染耳今見此卷得未曾有披觀之下便覺有蛟龍鼓肅於旁者噫嘻先生豈真貌此倉鱗古鬣者哉只自寓其歲寒不凋之操耳拜識數語為之三歎

乙亥九月確齋周儀

周儀之印

一氏

此卷為文木郎公尹長泰時所得閩人愛石齋先生之遺墨如寶頭目而公之治長泰也政臻三異揀票四知故邑之人士以此為芹曝之獻觀人之割所甚愛以事其長上則公之得此於民而民之

慶戴於公者可知矣

確齋又題

齋

字

一不立

水墨松林十八葉法凡五簡筆皴出崖一帶石之
立者三而松則抱之倚之卧之又叢立於其巔自
題報國寺後庭二高前庭二偃西山竇柏外森嶮
此應天南郊壇二林屋洞前一黃山之寂著者曰
岑龍曰破石曰自在松大段磊落當山勃發其平
生之所見耳嗚呼先生松也先生石也然則非松
非石者烏可以題其所畫哉嘗藏有倪文貞公山
水樹石冊皆自題之其一云石介已極亦淡無過
世間藤蘿將若之何蓋君子之守道而特立也藤
蘿既無由攀附且擴然而閱其終窮杜公詩十月
清霜重飄零何處殊亦安忍有所薄於黃我虞觀
先生之於松何其不著一藤於石何其不著一
也則任觀者之各自得之而已矣今藏寧東藩教
堂中書所癸卯八月廿日秀水錢載臨河舟次

萬松居士

石齋畫松十八株北京南京歙與吳達康林屋吾
弗攷往者既見黃山圖破石松在像天頂卧龍松
院題文殊自在一松知者少先生此畫神來俱帝
里德仁說獲樹毒訪舊陰不能去新城老子曾賦
詩侯官許秘來何處傳聞新城賃寺居去峯相戒
毋枉賦未識王詩松許無惜云此卷八重語題云
前庭渡後庭羨松各下千事冥後者百尺前者偃
四松天矯誰曾經新城賦詩在戊戌僅見其二排
空寬若非先生親寫得那識對峙鸞翎吉吁嗟此
松何年飛去慈仁院相輪空自傳窻窻元氣千年
寫取疎真形一匹漁中見借問真形為誰鍊畫者
即是松真面萬古清聲走飛電一寸冰霜心不轉
如此方許画石無畫松仰必後先南北一尋其
縱瘦書戰掣迴就軸端歟雨吹松風石齋先
生畫松卷歌北平翁方綱

方綱
寶和

何來乾坤正氣留根株散布兩京歙與吳先生妙
手一拈出世間萬木無真面是時明祚既衰薄漂

梁河山風景殊燭之先生欲振起在朝孤立無人
 俱不則十八公應十八樹及喬松山十八所植北京左
 槐石棘迴翔去請延能為柱石留殘小莫問荒烟
 霞可憐抗直傲霜姿飄零進暮凌雲賦人逢聖
 代慰貞魂文賜貞日畫向名賢憶良晤猶存報國寺
 前庭雙株盤紫天冥之三十年前舊游地撫摩偃
 蹇人曾經包山黃山集廢路有無存者空風霆秀
 水記畫添画院守道特立節不壞不知蘇藤附我
 非我附一任攀援終自見而況後凋之性幾霜鍊
 萬古不磨有真面作者用筆如掣電忽之偶或一
 遺之何至倚石附藤為遠轉子孫未以生哉我今
 著書閉戶學種松范子四靈追前蹤今宵画境倘
 入夢定有雲氣隨蒼龍平霄蒼莽吹天風題石
 燕先生畫松歌補和覃溪老人韻此卷又得見於
 毅堂中書之猶子季用觀察藏弄經兩代矣辛
 丑中秋六十九老人吳榮光并書吳榮光印
 咸豐庚申二月重裝敬觀一過廣鋪

嶽雪樓書畫錄卷四

六

乾坤存正氣遺蹟仰先賢
巖壑蒼瑯勃嶽嶽白石
堅雪霜湧掄落水墨自澄鮮
珍重同球璧滄桑三
百年寒食前一日孔廣陶敬題于嶽雪樓中

嶽雪樓書畫錄卷之四